



**Deputación
DA CORUÑA**

SERVICIO DE ACCIÓN SOCIAL, CULTURAL E DEPORTE
SECCIÓN EDUCACIÓN E CULTURA
Expediente: PCO.001.2024.00318

Expediente relacionado: 2023000022405

ASUNTO: Proposta de aprobación do prego de prescripcóns técnicas para a contratación da produción, montaxes e traslados da exposición “Regnum totius Gallaeciae. O Reino Medieval de Galicia”.

ANTECEDENTES

A Área de Cultura desta Deputación, no exercicio das súas competencias no ámbito da cultura e co obxectivo de contribuír ao coñecemento da nosa historia, ven de desenvolver unha serie de iniciativas dirixidas a poñer en valor o pasado medieval de Galicia.

Trátase dun amplo proxecto que se iniciou no ano 2022 e continúa neste ano 2024 no que se realizará unha exposición sobre o Reino de Galicia, tal e como consta na resolución número 2148, de 19 de xaneiro de 2024 pola que se aproba a realización da exposición “Regnum totius Gallaeciae. O reino Medieval de Galicia” nos concellos da Coruña e Santiago de Compostela, cun orzamento de gastos aprobado por importe total de 271.274,48 (IVE incluído) no que se inclúen os gastos de produción da exposición, por importe de 82.812,40 €.

Neste concepto amplo de “produción” inclúense gastos de fotografía de documentos, libros e mapas e traducións ao castelán e ao inglés que non son obxecto deste contrato.

FUNDAMENTOS DE DEREITO.-

Lei 7/1985, reguladora das Bases de Réxime Local, na súa redacción dada pola Lei 27/2013, de racionalización e sostenibilidade da Administración Local, que no art. 36.1.d) que establece como competencias propias das deputacións “La cooperación en el fomento del desarrollo económico y social... de acuerdo con las competencias de las demás Administraciones Públicas en este ámbito”.

Lei 5/1997, de Administración Local de Galicia, que no art. 118 inclúe como competencia das deputacións “rexer e administrar os intereses peculiares da provincia, creando, conservando e mellorando os servizos que teñan por obxecto o fomento deles, e, en especial, os seguintes:...d) Organización de concursos e exposicións e de calquera outra actividade que teña por finalidade o fomento en materia de cultura, educación e deporte.”

Lei 9/2017, de Contratos do Sector Público. (LCSP)



OBXECTO.-

Constitúe o obxecto do contrato realizar os traballos consistentes na produción, montaxes (e desmontaxes) e traslados da exposición “*Regnum totius Gallaeciae. O Reino Medieval de Galicia*”, organizada pola Deputación da Coruña entre os meses de agosto e outubro, nos concellos da Coruña e Santiago de Compostela.

Os traballos desenvolveráanse de acordo coas prescricións técnicas do contrato e os planos e deseños que se achegan como anexos.

XUSTIFICACIÓN DA NECESIDADE DO CONTRATO.-

A realización da exposición “*Regnum totius Gallaeciae. O reino Medieval de Galicia*” aprobada fai imprescindible contratar a súa produción e montaxe (e desmontaxe) e o feito de ser montada en dous concellos implica a contratación do traslado.

AUSENCIA DE MEDIOS MATERIAIS E PERSOAIS.-

A Deputación non dispón de medios persoais e materiais para producir, montar e transportar a exposición “*Regnum totius Gallaeciae. O reino Medieval de Galicia*”, polo que é necesario tramitar un contrato de servizos.

ORZAMENTO E FINANCIAMENTO.-

O orzamento total do contrato ascende a **75.589,91 €** (base: 62.471,00 + 21%IVE: 13.118,91) que se desagrega do seguinte xeito:

<i>Espazo expositivo: paneis, tarimas, mobiliario</i>	51.281,01
26 unidades de paneis de madeira	23.250,15
300 m ² de tarima de madeira	17.499,02
Pezas de madeira para nivelación de tarima en cada exposición	2.340,14
4 Mastros de aluminio e 4 bandeiras de tela serigrafadas	484,00
3 sillas de madeira para exterior	726,00
Vitrina /moble arcón asentado	1.778,70
52 focos solares led con encendido automático nocturno	2420,00
2 rollers	484,00
Estudo técnico de montaxe	2.299,00
<i>Vinilos, mapas, elementos singulares</i>	12.100,00
48 Vinilos laminados para exteriores e colocación	9.438,00
Vinilos varios de corte para exteriores	242,00
Mapas en vinilo impreso sobre PVC de 5 mm	2.420,00
<i>Montaxes, desmontaxes, traslados</i>	12.208,90
Transporte, montaxe e desmontaxe 1 ^a exposición	5.747,50
Transporte, montaxe, desmontaxe 2 ^a exposición e embalaxe e devolución	6.461,40
Total	75.589,91 €